

Redovni izvještaj dnevnih događaja i pojava

Izvještaj se odnosi na događaje u vremenskom periodu od 05.08.2026. godine od 08:00 sati do 06.08.2026. godine do 08:00 sati. Prema podacima kojima raspolaže Kantonalni operativni centar CZ-e, službe od posebnog značaja radile su na izvršavanju svojih redovnih zadataka.

POŽARI (LP-3)

Grad Bihać- Vatrogasna jedinica grada Bihaća je u 09:35 sati otišla na intervenciju gašenja požara šume, trave i niskog rastinja u mjestu Trubar – MZ-a Martin Brod. Vatrogasnoj jedinici Bihać pomoć u gašenju požara su pružili vatrogasci iz općine Drvar, radnici Šumarije Bihać i mještani. Jedan dio vatrogasaca se vratio u bazu, a na licu mjesta su ostala 4 vatrogasca iz VJ-e Bihać sa dva vatrogasna vozila. Požar je lokalizovan, povratak sa terena ovih vatrogasaca je bio u 21:00 sat. U ovom požaru izgorjele su dvije štale, tri pomoćna objekta, šume i niskog rastinja 2 hektara. Nije bilo povređenih lica.

Grad Bosanska Krupa- Vatrogasna jedinica grada Bosanska Krupa imala je intervenciju na gašenju požara od 15:15 do 19:30 sati u mjestu Bosanska Otoka, gdje je gorjelo nisko rastinje i izgorio je jedan pomoćni objekat-šupa.

Grad Cazin- Vatrogasna jedinica grada Cazina imala je dvije intervencije na gašenju požara:

- od 12:25 do 14:41 sati u mjestu Bukovica, gdje su gorjele bale sijena i traktor,
- od 09:10 do 10:45 sati u mjestu Skokovi, gdje je gorjela trava.

Općina Sanski Most- Vatrogasna jedinica općine Sanski Most imala je dvije intervencije na gašenju požara:

- od 13:00 do 17:00 sati u reonu planine Grmeč (Medvjede brdo) gdje je gorjela hrastova i bukova šuma. Osim dva vatrogasca sa vozilom pomoć u gašenju je pružilo i 7 radnika šumarije.
- od 20:50 do 21:50 sati u mjestu Dabar, gdje je gorjela divlja deponija smeća i nisko rastinje.

Općina Velika Kladuša- Vatrogasna jedinica općine Velika Kladuša imala je šest intervencija na gašenju požara:

- Od 10:50 do 12:45 sati u mjestu Marjanovac, gdje je gorjela trava.
- Od 13:40 do 19:35 sati u mjestu Todorovska Slapnica, gdje je gorjela šuma.
- Od 19:15 do 21:30 sati u mjestu Elezovići, gdje je gorjela trava.
- Od 22:40 do 00:25 sati u mjestu Gladno Brdo, gdje je gorjelo nisko rastinje i šuma.
- Od 00:35 do 03:50 sati u ul. Zuhdije Žalića, gdje je gorjela kuća.
- Od 03:11 do 03:50 sati u mjestu Gladno Brdo, gdje je gorjelo nisko rastinje i šuma.

Vatrogasne jedinice u ostalim općinama i gradovima nisu imale intervencija.

OBLAST SAOBRAĆAJA (prohodnost puteva, drumski i željeznički saobraćaj)

Zbog radova na sanaciji nadvožnjaka na lokalitetu Orljani na magistralnoj cesti Bihać-Ripač, zatvoreno je skretanje sa magistralne ceste prema naselju Ribić-Orljani.

Zbog radova na sanaciji klizišta na magistralnom putu M4.3. Bužim-Brigovi, saobraća se usporeno, jednom trakom naizmjenično.

Duge su kolone vozila na izlazu iz Bosne i Hercegovine na graničnom prelazu Velika Kladuša, na ostalim graničnim prelazima zadržavanja za putnička vozila nisu duža od 30 minuta.

BEZBJEDNOST U SAOBRAĆAJU (LP-7) (saobraćajne nezgode)

U protekla 24 sata na području Kantona desilo se jedanaest saobraćajnih nezgoda. Tri lica zadobila su lakše tjelesne povrede, te je pričinjena materijalna šteta.

OŠTEĆENJA ELEKTRIČNE MREŽE (LP-18)

Elektroenergetski sistem je stabilan.

OBLAST TELEKOMUNIKACIJA (LP-18)

Telefonske veze funkcionišu u svim pravcima.

OBLAST VODOSNABDIJEVANJA (LP-18)

Grad Cazin- Zbog povećane potrošnje i smanjenog kapaciteta na izvorištima uvedene su redukcije u snabdjevanju. Redukcije će trajati nekoliko sati u različitim vremenskim periodima, tokom dana i noći, za pojedine grupe potrošača.

Vodosnabdijevanje u ostalim općinama i gradovima je zadovoljavajuće.

NEEKSPLODIRANA UBOJNA SREDSTVA NUS (LP-19)

Nije bilo prijava pronalaska NUS-a.

METEOROLOŠKO-HIDROLOŠKA SITUACIJA

U gradu Bihaću u 08:00 sati temperatura je iznosila 20 °C.

Vodostaj rijeke Une iznosi 22 cm, (početak obavještavanja je 100 cm).

U općini Sanski Most u 08:00 sati temperatura je iznosila 19 °C.

Vodostaj rijeke Sane iznosi 76 cm (početak obavještavanja je 310 cm).

Napomena: Federalni hidrometeorološki zavod je izdao NARANDŽASTO UPOZORENJE zbog visokih dnevnih temperatura zraka za vremenski interval od 05.08. do 06.08. 2026.godine, od 12:00 do 17:00 sati.

Napomena: Služba za civilnu zaštitu i vatrogastvo Bosanski Petrovac i Služba civilne zaštite i zaštite od požara Velika Kladuša nisu dostavile redovni izvještaj.